



Aalisarnermut, Piniarnermut Nunalerinermullu
Naalakkersuisoqarfik

Pinngortitamut, Avatangiisut Inatsisinillu
Atuutsitsinermut Naalakkersuisoqarfik

J.nr. 40.00.01.49/15
D. 26. marts 2015

Ilisimatuussutsikkut allaaserisaq nutaaq Issittumi immap miluumasuinik aqtsineq pillugu innersuussutinik ilalik pillugu allakkiaq

Atuagassiaq ataqqisaasoq Conservation Biology ilisimatuussutsikkut allaaserisamik "Issittup imartaata miluumasoqassusianik immallu sikuata uumaffigiuminaassiartornera illersugaanissaallu pillugit 21. århundredikkunni aqtsinissamut innersuussutit"¹-inik quleqatalimmik martsip 17-ianni saqqummiussaqarpoq. Allaaserinnittut pingaarnersaraat ilisimatusartartoq Kristin Laidre Washington Universitetimi Pinngortitaleriffimmilu atorfegartoq. Allaaserinneqataasimasorpassuit ilaatigut tassaapput issittup imaata miluumasui pillugit ilisimatusartartut arlalissuit USA-meersut, Canadameersut, Ruslandimeersut, Norgemeersut Kalaallit Nunaanneersullu. Misissuineq "Arctic Bioversity Assessment" (ABA)-p 1214-imeersup immap miluumasuinut tunngasortaata tallissutigalugulu iluarsiisutitaraa.

Allaaserisaq innersuussutinik arlalinnik issittup imaata miluumasuisa ilaannut ilaatigut makkununnga attuumassuteqarput: Qilalukkut qernertat, qilalukkut qaqortat, arfiviit, natsiit, ussuit, aataat, nat-sersuit, aarrit nannullu. Innersuussutit Kalaallit Nunaanniittunuinnaq sammisitaangillat, silaallit pis-susaata allanngoriartorneranut tunngatillugu issittumi immap miluumasuinik aqtsinermut atatillugu isiginiagassaqqisuullutik. Matuma kingorna innersuussutigineqartut naatsumik allaaserissa-vagut.

Ataatsimoorussilluni aqutsilluarneq

Sumiiffinni atuisut allaffissornikkullu aqutsisut suleqatigiinnerisa annertusiartortinnejcarnerata aala-jangiusimanissa pingaartuuvoq. Aqtseqatigiinnissamik isumaqatigiissutit kingunerisaannik piuju-aritsiniarluni eqqissisimatitsiniarlunilu suliuteqarnerni peqataatitsineq annertusarneqarsinnaavoq, sumiiffinni ilisimasanik katersuinermut, pisasanik killilersuinermik eqqortitsinermut, nalunaarutigin-nittarnermut, sumiiffigisami misissuilluni suliniutinik oqaasertalersuisarnermut ilisimatuutullu misis-sugassanik katersuisarnermut atatillugu suleqatigiinnissamik isumaqatigiissuteqartarmeq atuisut peqataanerunissaannut iluaquatasarpoq.

¹ **Laidre KL**, Stern H, Kovacs KM, Lowry L, Moore S, Regehr E, Ferguson SH, Wiig Ø, Boveng P, An-gliss RP, **Born E**, Litovka D, Quakenbush L, Lydersen C, Vongraven D & **Ugarte F** (2015) Arctic ma-rine mammal population status, sea ice habitat loss, and conservation recommendations for the 21st century. Cons. Biol. DOI: 10.1111/cobi.12474

Issittup imartaata miluumasuisa ilaannik siunissami aqutsinermi pisaqartarnissamik pisariaqartitsine-
rup immallu sikukilliartornerata kingunerisaanik avatangiisit nammassinaasaasa annikilliartornerisa
akornanni oqimaaqatigiissaarisoqartarnissaa pisariaqartarumaarpoq.

Aqutsinerup oqimaaqatigiissaaruminartuullunilu naleqqussaruminartuunissaa aammalu pisari-
neqarsinnaasutut kissaatigineqartut pillugit ingerlatsinissamik pilersaarutaasartussat erseqqissumik
oqaasertalorsorneqartarnissaat pingaaruteqarluinnartartussaavoq.

Silap pissusiata allanngoriartornerata issittup imartaani miluumasunut sunniutai assigiinngitsut

Uumasoqatigiaat assigiinngitsukkuutaat assigiimmik qisuariartangillat, uumasoqatigiaallu ataasiak-
kaat siunissami qanittumi silap pissusiata allanngorneranik pitsaanngitsumik sunnigaanissaat ilimagi-
neqanngikkaluarpalluunniit, taamaattoq immap sikuata ukiuni 50-100-ni tulliuttuni qanoq ik-
kumaarsinnaaneranik naatsorsuinerit ilimanarsisippaat tamanna immap miluumasuisa ilarpassuinut
ulorianartorsiortserujussuassasoq. Aqusinermik ingerlataqartut ilisimatuutut misissuinermik tunng-
avilersorluni periarfissanik ulorianarsinnaasunullu tunngassuteqartutigut, sumiiffinnut nunamullu
tamarmut tunngassutilinni aammalu siunissamat qanittumut ungasissumullu tunngassutilitsigut in-
nersuussutinik sapinngisaminnik malinniartarnissaannik siunnersorusuppagut.

Issittup imartaani miluumasunik malittarinngitneq

Uumasoqatigiaat amerlassusiat ukiut arlerlugit kisittarnerisigut imaluunniit piaqqiornerannik, amer-
liartornerannik, timaasa peqqissusaannik toqusoqartarnerannillu malittarinngitneqissaarnikkut aatsaat
ineriartornerannik malinnaaffiginnittoqarsinnaavoq. Paasissutissat tamakku pissarsiarineqarsinnaap-
put pisaasartunit misissugassanik tigusisarnikkut, piniartut ilisimatusartartullu suleqatigeeqqissaar-
nerisigut taamaalillutillu aningaasarpassuarnik atuinngikkaluarlutik paasissutissanik pitsaasunik pis-
sarsisarnerisigut.

Taamatullu aamma qaammataasakkut assilisat toqqaannartumillu uttoortaanerit aqqutigalugit ava-
tangiisit uumaffigisaat pillugit paasissutissanik pissarsisoqarsinnaavoq. Paasissutissat tamakku, sumi-
ifiit aalajangersimasut akuttoqatigiissaartumik misissuiffigineqartarnerinik pisanillu misissuisarner-
mik ilaqlaraangamik misissuinissamik aaqqissuussinermut iluaqtaalluarsinnaapput. Nunani tamani
misissuisarnikkut paasisat imminnut ataqatigiissittarnissaat pingaartuuvoq, immamimi miluumasut
nunat killeqarfii aporfiginagit sumorsuaq ingerlagajuttarmata.

Suliffissuaqarnikkut sunniutit

Siunissami aqutsinkkut suliniutaasartussanik pilersaarusrorlunilu tamakkuningga pingaarnersiuissa-
gaanni aamma suliffissuaqarnikkut sunniutit assigiingitsut tamarmiusut paasiniarnissaat pisariaqar-
lunilu tamakkuningga pitsaaliuniarnissaq pingaartuuvoq. Ajoraluartumilli tamakkua issittup
imartaani miluumasunut sunniutigisartagaat pitsaanngitsut tamarmiusut ilisimasaqarfigivallaanngila-
gut. Ikummatissarsiornikkut suliniutit ilagisarpaat immap iluani nipliornerit, umiarsuit aportarneri,
uuliaarlertoqarsinnaanera sumiiffiillu pingaartuillit uumasuerussinnaasarnerat. Kalaallit Nunaanni
pitsaanerpaamik aqutsinermik ingerlatsiisoqassappat sumiiffinni innuttaasut, suliffeqarfii, so-
qutigisaqaqatigiiffiit Namminersorlutillu Oqartussat suleqatigiinnissaat pisariaqarpoq.

Uumasoqatigiaat sumiiffillu illersugaasut pillugit inatsisiliorneq

Silap pissusiata allanngoriartornerata nalaani uumasoqatigiaat illersugaasut pillugit inatsisiliortarne-
rup pitsaaquaasa ajoquaasalu paasiluarnissaat pingaartuuvoq. Kalaallit Nunaata aamma Cana-
dap/Nunavut massakkorpiaq Kalaallit Nunaata Avannaa Ellesmere Islandilu illersorniarpaat, taakku
sikuusarnertik pissutigalugu issittumi immat miluumasuisa amerlanersaasa qimaaffigisinhaasaa kin-
gullersaattut isigineqarmata.

Siumut isiginiarluni aqtsineq eriaginninnerlu

Issittup imartaata miluumasui isumallutaapput pingaarutilit, nunat killeqarfiiit apeqqutaatinnagit
siammasisorujussuarmik piaqqiortarfeqartut. Taamaanner peqqutaalluni uumasoqassutsip ajunn-
gitsumik ingerlaneranik paasinninniarnermut silallu pissusiata allanngoriartorneranut takussu-
tissaaqqaartutut pingaarutilittut uttortaatitullusooq inissisimalersimavoq.

Ilaatigut immap sikuata milliartornera pillugu uumasoqatigiaat qisuarineri assigiinngitsut, paassis-
tissanik tunulequtaasunik amigaateqarneq, ilisimatuut nalornisoorutaat immallu miluumasuisa si-
unissami allatut katitgaalersinnaanerat pillugit paasissutissanik pitsasunik paasissutissiisoqartarnis-
saa pisariaqartinneqarpoq.

Siunissaq qaninnerusoq ungasinnerusorlu eqqarsaatigalugit issittup imartaani miluumasut pitsasu-
mik isumagineqarlutillu illersorneqassappata qitiusumi allaffissornikkut ingerlatsivik sumiiffinnilu
peqatigiiffiit, inunnut immap miluumasuinik inuussuteqarlutillu suliaqartunut attuumassuteqartut
suleqatigiinnissaat pisariaqarpoq.

Piffissami sivisunerusumi pitsasumik ingerlasoqassappat silaannarmut gassimik aniatitsineq ap-
parsaneqartariaqarluarpoq. Soqutigisaqaqatigiiffiit suliniuteqartartut suleqatiguminarnissaat
sutigut tamatigut iluaquataassaaq. Soqutigisaqaqatigiit tarmarmik issittut imartaanni miluumasut ili-
sarnaatitut pingaaruteqassusiannik inunnnullu tamakkuningga inuussuteqartunut qanoq pingaaru-
teqartignerannik paasinninnissaat pingaartuuvoq.

Ilisimatuussutsikkut paasissutissat qularnaatsut - ullumikkut uumasoqatigiaat ilaat eqqarsaatigalugit
suli amigaataasut - nungusaataanngitsumik ingerlatsinissaq pillugu ilisimasaqarluarluni pitsasumillu
aalajangersaasarnissanut pisariaqarput.

Fernando Ugarte

Pinngortalerrifik